

四庫全書

集部

欽定四庫全書

集部

柳河東集注卷十四至
七

詳校官內閣學士臣瑞保

檢討臣何思鈞覆勘

總校官進士臣朱鈴

校對官編修臣馮敏昌

謄錄監生臣方祖益

欽定四庫全書

柳河東集注卷十四

宋 童宗說張敦頤潘緯 音釋

對

設漁者對智伯

智氏既滅范中行

行音杭范氏中行氏晉之二卿族

志益大合韓魏圍

趙水晉陽

決晉水灌之也水一本作子

智伯瑤乘舟以臨趙且又往

來觀水之所自務速取焉羣漁者有一人坐漁智伯怪

之問焉曰若漁幾何

漁一本作魚若汝也

曰臣始漁於河中漁於

海今主大茲水臣是以来曰若之漁何如曰臣幼而好

漁始臣之漁於河有魴鱖鱣鯪者

魴音沙鱖似呂切重云鱣知連切音鼈鯪

於憶切

不能自食以好臣之餌日收者百焉臣以為小去

而之龍門之下伺大鮪焉

鮪音消

夫鮪之來也從魴鯉數

萬

從一作其鮪扶方切

垂涎流沫後者得食焉然其飢也亦返吞

其後愈肆其力逆流而上慕為螭龍

螭軟之切似龍無角

及夫抵

大石亂飛濤折鰭禿翼

童云鰭音者魚脊上骨

顛倒頓踣

音鮒

順流

而下宛委冒憯環坻淑而不能出

坻音埤水中高也一曰小渚淑音叙水浦

嚮之從魚之大者幸而啄食之臣亦徒手得焉猶以為

小聞古之漁有任公子者

任平聲事見莊子

其得益大於是去

而之海上北浮於碣石

碣音竭山石

求大鯨焉臣之具未及

施見大鯨驅羣蛟逐肥魚於渤澥之尾震動大海簸掉巨

島

童云都皓切水中
有山曰島

一啜而食若舟者數十

張云啜妹流切說文嘗也

勇而未已貪而不能止北威於碣石槁焉嚮之以為食者反相與食之臣亦徒手得焉猶以為小聞古之漁有

太公者其得益大釣而得文王於是舍而來智伯曰今若遇我也如何漁者曰嚮者臣已言其端矣始晉之侈

家若欒氏祁氏卻氏羊舌氏以十數不能自保以貪晉

國之利而不見其害主之家與五卿嘗裂而食之矣

主即

智伯名瑤五卿謂
韓魏趙范中行族

是無異魴鱖鱸鯉也腦流骨腐於主

之故鼎可以懲矣然而猶不肯寤又有大者焉若范氏

中行氏貪人之土田侵人之勢力慕為諸侯而不見其

害主與三卿

智伯與
韓魏趙

又裂而食之矣脫其鱗膾其肉剗

其腸斷其首而棄之鯢鮪遺脣

鯢音昆鮪音而魚子也脣羊晉切

莫不

備俎豆是無異夫大鮪也可以懲矣然而猶不肯寤又

有大者焉吞范中行以益其肥猶以為不足力愈大而

求食愈無饜驅韓魏以為羣鯨以逐趙之肥魚而不見

其害貪肥之勢將不止於趙臣見韓魏懼其將及也亦

幸主之威於晉陽其目動矣而主乃傲然

傲魚到切

以為咸

在机俎之上方磨其舌抑臣有恐焉今輔果舍族而退

不肯同禍

國晉語智宣子將以瑤為後智果諫不聽果逐別族于太史為輔後韓魏趙共滅智氏之

族惟輔
果在

段規怨深而造謀

國語智襄子宴于藍臺襄子
威韓康子而侮段規及晉陽

之難段規首
難而殺智伯

主之不寤臣恐主為大鯨首解於邯鄲

音寒

丹趙
所都

鬣摧於安邑胷披於上黨尾斷於中山之外而腸

流於大陸為鱣鼈

鱣與鮮同張云鼈音
橋二字並出周禮

以充三家子孫

之腹臣所以大懼不然主之勇力強大於文王何有智
伯不悅終以不寤於是韓魏與趙合滅智氏其地三分

愚溪對

柳子名愚溪而居五日溪之神夜見夢曰子何辱予使

予為愚耶有其實者名固從之今予固若是耶予聞閩

有水生毒霧厲氣中之者溫屯嘔泄

中上聲也徒渾切聚也嘔於口切泄

音藏石走瀨連艫糜解

童云艫音盧船頭也

有魚焉鋸齒鋒尾而

獸蹄是食人必斷而躍之乃仰噬焉故其名曰惡溪西

海有水散渙而無力不能負芥投之則委靡墊沒

墊丁念切

臨也及底而後止故其名曰弱水秦有水掎汨泥淖

張云掎舉

綺切偏引也潘云汨音骨又胡骨于筆二切淖女教切泥也

撓混沙礫

潘云音厯小石也視

之分寸貽若晚壁

張云貽丑吏切反視也晚五計切耶視也

淺深險易昧昧

不覲乃合清渭以自彰穢跡故其名曰濁涇雍之西有水幽險若漆不知其所出故其名曰黑水夫惡弱六極也濁黑賤名也彼得之而不辭窮萬世而不變者有其實也今予甚清與美為子所喜而又功可以及圃畦力

可以載方舟

毛詩方之舟之注
方舟也編木以渡

朝夕者濟焉子幸擇而

居予而辱以無實之名以為愚卒不見德而肆其誣豈終不可革耶柳子對曰汝誠無其實然以吾之愚而獨好汝汝惡得避是名耶且汝不見貪泉乎有飲而南者

見交趾寶貨之多光溢於目思以兩手左右攫而懷之
豈泉之實耶過而往貪焉猶以為名今汝獨招愚者居
焉久留而不去雖欲革其名不可得矣夫明王之時智者
用愚者伏用者宜邇伏者宜遠今汝之託也遠王都三
千餘里仄僻迴隱蒸鬱之與曹螺蚌之與居

螺蚌步項切

唯觸罪擯辱愚陋黜伏者日侵侵以遊汝闖闖以守汝

張云闖丑禁切馬出門貌

汝欲為智乎胡不呼今之聰明皎厲握天

子有司之柄以生育天下者使一經於汝而唯我獨處

汝既不能得彼而見獲於我是則汝之實也當汝為愚而猶以為誣寧有說耶曰是則然矣敢問子之愚何如而可以及我柳子曰汝欲窮我之愚說耶雖極汝之所往不足以申吾喙

詐機切口也

涸汝之所流不足以濡吾翰

音寒羽也

姑示子其畧吾茫洋乎无知冰雪之交衆裘我締

溽暑之鑠衆從之風而我從之火吾盪而趨不知太行

之異乎九衢以敗吾車

行音杭太行山名險路也

吾放而遊不知呂

梁之異乎安流以沒吾舟

呂梁在彭城縣水三十仞出莊子

吾足蹈坎

井頭抵木石衝冒榛棘

冒一作行

僵仆虺蜴

音易

而不知怵惕

何喪何得進不為盈退不為抑荒涼昏默卒不自克此其大凡者也願以是汙汝可乎於是溪神深思而歎曰嘻有餘矣是及我也因俯而羞仰而吁涕泣交流舉手而辭辭悔一明覺而莫知所之遂書其對

對賀者

柳子以罪貶永州有自京師來者既見曰余聞子坐事斥逐余適將唁子

童云唁宜箭切穀梁傳云弔失國曰唁

今余視子之貌

浩浩然也能是達矣余無以言矣敢更以為賀

更平聲

柳

子曰子誠以貌乎則可也然吾豈若是而無志者耶姑

以戚戚為無益乎道故若是而已耳吾之罪大會主上

方以寬理人用和天下故吾得在此凡吾之貶斥幸矣

而又戚戚焉何哉夫為天子尚書郎謀畫無所陳而羣

比以為名蒙耻遇僂

即義字

以待不測之誅苟人爾有不

汗栗危厲僂僂然者哉

張云僂音思相切責也又七才切

吾嘗靜處以

思獨行以求自以上不得自列於聖朝下無以奉宗祀

近丘墓徒欲苟生幸存庶幾似續之不廢是以儻蕩其

心倡佯其形

倡佯音昌羊

茫乎若升高以望瀆乎若乘海而

无所往故其容貌如是子誠以浩浩而賀我其孰承之

乎嘻笑之怒甚乎裂眚

才智才諸二切目匡也一作眚

長歌之哀過乎

慟哭庸詎知吾之浩浩非戚戚之尤者乎子休矣

杜兼對

或問曰朝廷以公且明進善退不肖未嘗不當然吾有一疑焉願有聞於子以釋予也曰何哉曰杜兼為濠州

幸兵之亂殺無罪士二人

兼性浮險錄事參軍韋實團練判官陸楚皆以守職論事

忤憲密奏二人通謀扇動軍中宣制杖殺之

蓄貨足愆吾以為唐構杙饕餮

者亡以異

構音濤杙音元饕餮音錢四凶之號

然而卒入為郎中給事中

出由商至河南尹乃死夫何取於兼者若是幸也曰若

子之言兼之罪吾雖不覩乎目然聞之熟宜廢而不用

久矣然而吾有一取焉吾聞兼在濠州有鍾離令盧某

者宰相戚也而讒且諛日狀其僚之過愆以致于兼且

曰是過是愆我獨无有其僚因惴恐以俟謫怒於上今

日施施自負

施施自得貌

曰州君將我陟也兼得之乃大怒

罰令使僚也咸得自達以進乎善因擯令終不得面焉
人由是不苟免而讒諛之道大息朝廷進兼於內則給
事中於外則至河南尹蓋知兼有是善也歟誠然不為
公且明耶或者曰兼凶狡人也恣殺以充己其為過章
章者凡天下兒童

後闕

天對

今將楚詞天問逐段附入遇天問則低寫于

前遇天對則高寫於後仍入諸家音釋覽者詳

焉

問遂古之初誰傳道之上下未形何由考之

朱云遂往也道

言也上下天地也未有天地固未有人誰得見之

冥昭瞢闇誰能極之馮翼

惟像何以識之

普莫鄧切馮皮氷切朱云冥幽昭明也言晝夜未分馮翼氤氲浮動之貌

今何以能窮極而知之乎已

明明闇闇惟時何為

對本始之茫誕者傳焉鴻靈幽紛曷可言焉習黑晰眇

往來屯屯

潘云習呼骨切說文從日象氣出形司馬相如難蜀文習與暗昧韋昭曰習梅憤切郭璞

三蒼解詁曰智旦明也字林音勿晰之列之例二切也張倫切
厖昧革化惟元氣存而

何為焉

陰陽三合何本何化

柳文元注云穀梁獨陰不生獨陽不生獨天不生三合然後生

王逸以為天地人非也朱云陰也陽也天也三者之合何者為本何者為化乎

合焉者三一以統同吁炎吹冷交錯而功

冷音零清也

圜則九重孰營度之

圜謂天形則法也九陽數之極所謂九天

無營以成沓陽而九

沓達合切積也九者老陽積陽為天

運轅渾淪蒙以

圜號

一本運作轉渚本轅作輶胡果胡瓦二切車轂轉輶又胡罪切回也渾音寬淪音倫未相離也

惟茲何功孰初作之

王逸云言天有九重誰始作之

冥疑玄釐無功無作

幹維焉繫天極焉加

幹音管車轂端省也維繫物之縻也焉於虔切天極謂南北極

譬則車之軸也天之幹維繫於何所而天之極何所加乎

烏僊繫維乃縻身位無極之極泮彌非垠或形之加孰

取大焉

漢戶衣切泮音并潘本彌作泮

八柱何當東南何虧

河圖言地下有八柱柱廣十萬里有三千六百軸互相牽制

皇熙亶亶胡棟胡宇宏離不屬焉恃夫八柱

宏一本作完

九天之際安放安屬

放上聲屬音注王逸云東方皞天東南陽天南方赤天西南朱

天西方咸天西北幽天北方玄天東北變天中央鈞天朱云即所謂圓則九重者

無青無黃無赤無黑無中無旁鳥際乎天則

隅隈多有誰知其數

隈烏回切淮南子天有九野九千九百九十九隅去地五億萬

里王逸云言天地廣大隅隈衆多

巧欺淫誑幽陽以別無隈無隅曷懵厥列

天何所沓十二焉分

沓合也此問天與地合於何所十二辰誰所分別乎

折筭剡筵午施旁豎鞠明究曠自取十二非余之為焉

以告汝

楚辭云索瓊茅以筵筭注謂折竹小曰筭音專又音團午交午也曠許云切日餘光

日月安屬列星安陳

規燬魄淵

日月也

太虛是屬基地萬榮

列星也

咸焉是託

出自湯谷次于蒙汜

汜似凡泛三音淮南子曰出于賜谷淪于蒙谷入于虞淵之汜

輻旋南畫軸奠于北孰彼有出次惟汝方之側平施旁

運惡有谷汜

自明及晦所行幾里

淮南子曰行九州七舍有五億萬七千三百九里

當焉為明不逮為晦度引久窮不可以里

夜光何德死則又育

朱云夜光月也死晦也育生也

燬炎莫儼

即計切謂日也

淵迫而魄遐違乃專何以死育

厥利維何而顧菟在腹

此問月有何利而顧望之菟常居其腹乎

玄陰多缺爰感厥兔不形之形惟神是類

女歧無合夫焉取九子

女歧神女無夫而生九子釋書有九子母

陽健陰淫降施蒸摩歧靈而子焉以夫為

伯強何處惠氣安在

伯強大厲疫鬼惠氣和氣也

怪瀾冥更伯強乃陽順和調度惠氣出行時屈時縮何

有處鄉

滿民卑莫爾二切一本作沔與沔同徒典切又音庚陰陽氣亂也

何闔而晦何開而明

明焉非闔晦兮非藏

角宿未旦曜靈安藏

朱本作減與藏同角亢東方星旦明也曜靈日也

孰旦孰幽繆躔于經蒼龍之寓而廷彼角亢

繆音蚪子虛賦注繆

音蓼相纏結也廷具往切欺也亢音剛

不任汨鴻

朱云汨音骨師一作鮪非是或不字上有鮪字

師何以尚之僉答

何憂何不課而行之

朱云汨治也鮪才不任治鴻水衆人何以舉之堯何不且小試

而遽行
其說

惟鮠饒饒鄰聖而孽恒師厖蒙乃尚其圮后惟師之難

贖頻使試

鮠即鯀字拾遺記云夏鯀化為玄魚後入合為鮠字饒女交切厖莫江切病也圮部郵切

毀也贖頻賓二音頻音遏鼻並也衆不察其圮族而舉之堯非樂於用之也

鵠龜曳銜鮠何聽焉

朱云舊說謂鮠死為鵠龜所食特以意言之耳詳其文勢以謂

鯀聽鵠龜曳銜之詐而敗其事

順欲成功帝何刑焉永遏在羽山夫

何三年不施

朱云施謂刑殺之也左傳曰乃施邢侯此謂鮠囚羽山

盜堙息壤招帝震怒

潘云堙音因塞也山海經鮠竊帝之息壤以堙洪水帝令祝融殺鯀

于羽郊招如字
元注意翹舉也

賦刑在下而投弃于羽方陟元子

禹以

脣功定地胡離厥考而鴟龜肆喙

吁穢切

伯禹腹鯀夫何以變化纂就前緒遂成考功何續初

繼業而厥謀不同

腹一作復筆力切何
字下一本有故字

氣孽宜害而嗣續得聖汙塗而蕞夫固不可以類胝躬

躡步

潘本肱作旺同張泥切浸厚也一曰足腫列子禹
手足胼胝蹠蹠必益切蹠也禹治水涉山川病足故

行跛橋楯勦踣

潘云橋音翹丘遙切謂以鐵為錐頭長
半寸施之履下上山不跌蹠也史記作

攴紀錄切楯勦倫切正義引前漢溝洫志蹠形如箕
行泥上蹠如字集韻與橋同音蹠又蹠通作楯注禹治

水所來古篆變形字體改易說者不同未知孰是
勦夷世切又音夷營也踣滿墨切僵也一本作路
厥十

有三載乃蓋考醜宜儀刑九疇

一本无宜儀刑字

受是玄寶

禹錫

玄圭昏成厥孽昭生于德惟氏之繼夫孰謀之式

洪泉極深何以寘之

朱云泉疑當作淵唐本避諱而改之也寘與填同參也

行鴻下隤厥丘乃降焉填絕淵然後夷于土

隤徒回切

地方九則何以墳之

則一本作州墳旁吻切分也朱云土之高者也一本作慎非是

從民之宜乃九于野墳厥貢藝而有上中下

應龍何畫河海何厯

有翼曰應龍山海經曰禹治水有應龍以尾畫地即水泉流通

胡聖為不足反謀龍智奮鍤究勤而期畫厥尾

奮音本
鍤音齒

鮒何所營禹何所成康回馮怒地何故以東南傾

馮音

憑一本作以字王逸云康回共工名也淮南言共工與顓頊爭為帝不得怒而觸不周之山天維絕地柱

折故東

南傾

圜燾廓大

天體也

厥立不植地之東南亦已西北彼回小

子胡顓隕爾力夫誰駭汝為此而以恩天極

九州何錯川谷何洿

朱云錯七故切置也洿音戶深也舊音烏非是

州錯富媪

烏浩切后土富媪

爰定于趾躁川靜谷形有高庫

東流不溢孰知其故

東窮歸墟

列子渤海之東不知幾億萬里有壑焉實惟無底之谷名曰歸墟

又環西盈脉穴

土區而濁濁清清墳壚燥疏

燥一本作瘞墳房粉切土膏肥也壚音盧黑剛土尚

書注疏也

滲渴而升

滲所禁切

充融有餘泄漏復行器運漑漑

音悠

水流兒

又何溢為

東西南北其脩孰多

脩長也

東西南北其極無方夫何鴻洞而課校脩長

鴻一本作瀕

南北順墮其衍幾何

洪興祖云墮亦作惰音妄狹而長也王逸云衍廣大也

茫忽不準孰衍孰窮

崑崙縣圖其尻安在

尻丘刀切朱云與居同一本作居崑崙山名其巔曰縣圖亦作

玄圖

積高于乾崑崙攸居蓬首虎齒爰六爰都

高本紀崑崙高三千五百

餘里水經云高萬一千里其下有弱水之淵環之有蓬頭虎齒戴勝而處者王母也

增城九重其高幾里

增與層同淮南子崑崙虛中有增城九重其高萬一千里

增城之里萬有三千

十洲記崑崙宮積金為墉城面方千里城上安金臺五所玉樓十二

四方之門其誰從焉

淮南子崑崙虛行有四百四十五門門間四里里間九純純丈五

尺王逸云言天地四方各有門其誰從之上下

清溫燠寒迭出于時時之丕革由是而門

清七政切寒也

西北辟啟何氣通焉

辟通作聞開也淮南子崑崙虛北門開以納不周之風

辟啟以通茲氣之元

潘云天開西北辟啟

日安不到燭龍何照

山海經鍾山之神名曰燭陰視為晝瞑為夜注燭龍也

修龍口燎爰北其首九陰極冥厥朔以炳

燎力照切首手又切

羲和之未揚若華何光

淮南子若木在建木西末有十日其華下照地

惟若之華稟羲以耀

華音花

何所冬煖何所夏寒

狂山凝凝

凝疑二音

冰于北至爰有炎洲司寒不得以試

焉有石林何獸能言

石胡不林往視西極獸言嘐嘐人名是達

嘐火交切嘐能知人名

焉有虬龍負熊以遊

虬渠幽切有角曰龍无角曰虬

有虬螭蛇不角不鱗嬉夫玄熊相待以神

螭於危切蛇余知切

雄虺九首儵忽焉在

虺許偉切惡蛇也儵作倏並音叔急疾貌

南有怪虺羅首以噬倏忽之居帝南北海

莊子南海之帝為倏北海

之帝為忽元注云倏忽在莊子甚明王逸以為電非也
朱云招菟說雄也九首往來倏忽正謂此也莊子寓言
恐非屈
原本意

何所不死長人何守

朱云死一作克者非

負丘之國身民後死

潘云山海經不死民在交脰國東其人黑色壽不死注圓丘上有不

死樹食之乃壽有赤水飲之不老

封嶠之守其橫九里

國語仲尼曰汪芒氏之君守封

嶠之山者也注防風氏長三丈又穀梁傳文公十一年叔孫得臣敗長狄身橫九畝

靡萍九衢泉華安居

朱云靡萍未詳何物衢歧也泉麻之有子者

有萍九歧厥圖以詭浮山孰產赤華伊泉

元注云山海經多言其歧

五衢又云四衢之岐也王逸以為生九衢中恐
謬又浮山有草焉其葉如麻赤華即泉華也

靈蛇吞象厥大何如

靈或作一大或作骨巴蛇長
百尋食象三年而出其骨

巴蛇腹象足覲厥大三歲遺骨其脩已號

黑水玄趾三危安在

呂一作池
一作趾

黑水淫淫窮于不姜玄趾則北三危則南

延年不死壽何所止

僊者幽幽壽焉孰慕短長不齊咸各有止胡紛華漫汗

而潛謂不死

漫莫干切汗何干切淮
南子注漫汗不可知

鯨魚何所魋堆焉處

鯨音陵一作陵魋音祈堆多回切

鯨魚人貌邇列姑射魋雀峙北號惟人是食

射音亦元注云山海

經鯨魚在海中近列姑射堆當為雀魋雀在號山如雞虎不食人王逸注誤朱云雀作雀

羿焉彈日鳥焉解羽

彈一本作彈一作作斃朱云作彈者誤也柳云鳥當作鳥

焉有十日其火百物羿宜炭赫厥體胡庸以枝屈

王逸云淮

南言堯時十日並出草木焦枯堯令羿仰射十日中其九日日中九鳥皆死墮其羽翼也又史記射支左屈右

大澤千里羣鳥是解

元注云山海經曰大澤千里羣鳥之所解問作鳥字當為鳥後人不

知因配上句改為鳥也朱云如柳說則別是一事如舊說為日中之鳥而借解羽二字以問于義亦通

禹之力獻功降省下土四方

一本無四方字朱云無四字就方字絕句

焉

得彼兪山女而通之于台桑

兪與塗同禹所娶國

閔妃匹合厥

身是繼胡維嗜不同味而快鼂飽

一本維作為一本嗜下有欲字一本

快下有一字王逸云禹治水道娶者憂無綱紀耳何特與衆人同嗜慾苟欲快飽一朝之情乎

禹懲于續兪婦亟合

兪當作兪

肢離厥膚三門以不眠

肢蒲末切

膚義皮也禹治水肢无肢三過其門而不入賊與視同

呱呱之不盡而孰圖味

呱音

孤泣聲盡迄力切傷痛也

卒燥中野民攸字攸暨

一本中作于一本字作字暨當作堅

也息

啓代益作后卒然離蜚

蜚一作孽 孽一作孽 並魚列切憂也

彼呬克臧

啓也

俾如作夏

似音似夏姓

獻后益于帝諄諄以不

命復為叟耆曷戚曷孽

何啓惟憂而能拘是達皆歸射籍

音籍窮也

而無害厥躬

呱勤於德民以乳活扈厥仇厥正帝授柄以撻兇窮聖庸

夫孰克害

扈侯古切舊說禹以天下禪益天下去益而歸啓於是有扈不服

何后益作革而禹播降

益革民艱咸粲厥粒惟禹授以土爰稼萬億違溺踐埒

巨志

切堅土也

休居以康食姑不失胡往不道

一本失字下有性天字

啓棘賓商九辯九歌

山海經夏后氏上三嬪于天得九辯九歌以下注啓登天而切

其樂王逸云棘陳也賓列也言啓陳列宮商

啓達厥聲堪與以呻辨同容之序帝以質嬪

質莫候切

何勤子屠母而死分竟墜

一作墜與地同朱云作地

禹母產聖何謳厥旅彼淫言亂囓聰馘以不處

潘云謳普逼切

判也裂也旅當作脊脊骨也帝王世紀禹膈剝母背而生囓陟救切與味同口也馘去獲切或从馘

帝降夷羿革孽夏民胡羿射夫河伯而妻彼雒嬪

朱云

作胡射夫河伯云河伯化為白龍遊於水旁羿見射之眇其左目羿又夢與洛水神宓妃交

夷羿滴荒

一本作淫

割更后相夫孰作厥孽而誣帝以降震

鰈厥鱗集矢于皖

潘云華板切字當從目大目也羿射河伯左目

肆叫帝不諶失

位滋嫚有洛之嫫

胡故切好也

焉妻于狡

馮珽利决封豕是射何獻蒸肉之膏而后帝不若

朱云

馮音憑滿也珽音遙蜃甲也以飾弓决以象骨為之以鈎弦羿獵射豕以其肉膏祭天天猶不順之

夸夫快殺鼎豨以慮飽贅膏腴帝叛德恣力胡肥台舌

喉而濫厥福

台音怡我也

浞娶純狐眩妻爰謀何羿之射革而交吞揆之

朱云
浞七

角切浞娶純狐氏女眩感愛之遂與浞謀殺羿也吞
滅也揆謀也何羿之射藝勇力而其衆交進吞謀之

寒讒婦謀后夷卒戕荒弃于野俾奸民是臧舉土作仇

徒怙身弧

左傳裏公四年夷羿淫于原獸寒浞伯
明氏之讒子弟也行淫于內殺而烹之

阻窮西征巖何越焉化為黃熊巫何活焉

一本化字
下有日字

王逸云阻險也窮窘也越度也堯放鯀羽山西行
度越岑巖之險因墮死化為黃熊豈巫所能活

鯀殛羽巖化黃而淵

左傳昭公七年堯殛鯀于羽
山其神化為黃熊入于羽淵

咸播秬黍莆藿是營

藿一作藿王逸云禹平水土
萬民皆得耕種于藿莆之地

子宜播殖穡于丘于川維莞維蒲維菰維蘆丕徹以圖

民以謹以都

子一作子穡音雖初稼也莞胡官切一音官

何由并投而鮌疾脩盈

王逸云疾病也脩長也盈滿也

堯酷厥父厥子激以功克碩厥祀後世是郊

左昭七年鮌為夏郊

白蜺嬰弟胡為此堂

弟音弗疑當作霏王逸云蜺雲之有色似龍者也弟白雲遠蛇

若蛇者遠移相嬰何為乎此祠堂也

安得夫良藥不能固臧天式從橫

陽離爰死

王逸云式法也爰於也言天法有善陰陽縱橫之道人失陽氣則死亡

大鳥

何鳴夫焉喪厥體

王逸云崔文子學仙於王子儁化為白蜺而嬰弟持藥與崔文子文

子驚怪引戈擊蛇中之因墮其藥俯而視之王子僑之尸也文子覆之以幣筐須臾則化為大鳥而鳴開而視之翻飛而去文子焉能亡子僑之身乎

王子怪駭蛇形第裳文褫操戈

文崔文子也一本作衣

猶惜夫藥

良終鳥號以游奮厥筐筐習漠莫謀

習呼骨切

形胡在胡亡

萍號起雨何以興之

王逸云萍翳雨師名言雨師號呼則雲興而雨下

幽陽潛爨陰蒸而雨萍憑以興厥號爰所

撰體協脅鹿何膺之

朱本作撰體脅鹿何以膺之王逸云天撰十二神鹿八足兩頭

氣怪以神爰有奇軀脇屬支偶尸帝之隅

龍戴山抃何以安之

列仙傳有巨靈之龍背負蓬萊之山而抃戲滄海之中

宅靈之丘掉焉不危龍厥首而恒以恬夷

出列子湯問篇

釋舟陵行何以遷之

洪興祖云龍負山若舟負物今釋水而陵反為人所負

要釋而陵殆或謫之龍伯負骨帝尚窄之

龍伯釣龍天帝怒短小其

民窄側格切狹也

惟澆在戶何求于嫂何少康逐犬而顛隕厥首

澆五弔切

泥之子王逸云澆往至其嫂戶佯有所求因與淫亂夏少康因田獵放犬逐獸遂襲殺澆而斷其頭

澆嫪以力兄麇聚之康假以田肆克字之

嫪音勞又郎到切妬戀也

女岐縫裳而館同爰止何顛易厥首而親以逢殆

王逸

云女岐澆嫂也與澆淫佚為之縫裳於是共舍而宿止少康夜襲得女岐頭以為澆因斷之

既裳既舍宜咸墜厥首

一本无既裳字

湯謀易旅何以厚之

朱云湯疑作康謂少康也有求一旅遂滅過澆

湯奮癸旅爰以偃拊載厥德于葛以詰仇餉

癸桀名也偃委羽切

覆舟斟尋何道取之

王逸云言少康滅斟尋氏奄若覆舟

康復舊物尋焉保之覆舟喻易尚或艱之

事見左傳哀公元年

桀伐蒙山何所得焉妹嬉何肆湯何殛焉

妹莫撥切嬉一作喜

惟桀嗜色戎得蒙妹淫處暴娛以大啓厥伐

舜閔在家父何以鰥堯不姚告二女何親

朱本鰥作姚舜姓

瞽父仇舜鰥以不儼堯專以女茲俾胤厥世惟蒸蒸翼

翼于媯之汭

女尼據切媯居危切汭如銳切舜之所居

厥萌在初何所意焉璜臺十成誰所極焉

朱云意古億字

紂臺于璜箕克兆之

朱云賢者預見萌芽之端紂作象箸而箕子歎果作玉臺十重

登立為帝孰道尚之

王逸云言伏羲始作八卦修行道德萬民登以為帝

惟德登帝師以首之

洪興祖云師一作師登帝謂匹夫而有天下

女媧有體孰制匠之

王逸云女媧人頭蛇身一日七十化其體如此

媧軀虺號占以類之胡曰日化七十工獲詭之

舜服厥弟終然為害何肆犬豕而厥身不危敗

象謀殺舜

舜弟眡厥仇畢屠水火夫固優游以聖而孰殆厥禍犬

斷于德終不克以噬昆庸致愛邑鼻以賦富

鼻即有庫象所封邑

吳獲迄古

古公亶父

南嶽是止孰期去斯得兩男子

太伯仲雍

嗟伯之仁遜季旅嶽雍同度厥義以嘉吳國

緣鵠飾玉

伊尹烹鵠羹飾玉鼎

后帝是饗何承謀夏桀終以滅

喪帝乃降觀下逢伊摯尹名何條放致罰而黎伏大說

空桑鼎殷

列子注伊尹母居伊水之上既孕夢神告曰白水出而東走无顧明日白水東走十里

其邑盡為水身因化為空桑有莘氏女採桑得嬰兒空桑之中故命曰伊尹獻其君今庖人養之 謫羹

厥鵠惟軻知言矰焉以為不

矰居覓切又音閑

仁易愚危夫曷

揆曷謀咸逃叢淵虐后以劉

揚雄方言秦晉宋衛之間謂殺曰劉 降厥觀

于下匪摯孰承條伐巢放民用潰厥疣

于求切

以夷于膚

夫曷不謠

簡狄在臺譽何宜玄鳥致貽女何喜

簡狄侍于臺上吞燕卵而生契

譽狄禱祺契形于胞胡乙敵之食而怪焉以嘉穀穀當作也

該秉季德厥父是臧

朱云此章未詳諸說亦異詳此該字恐是啓字

該德胤考

考一本作考王逸云該色也父謂契也言湯能色特先人之未德柳文元注云該謂蓐收

王逸注誤案下文恒秉季德既非人名子厚之言亦自相戾

蓐收于西爪虎手鉞尸

刑以司慝

國語虢公夢神人面白毛虎爪執鉞立於西阿史囂曰如君之言則蓐收也天之刑神也

胡終弊于有扈牧夫牛羊

有扈伐啓啓伐滅之有扈遂為牧豎

牧正矜矜澆扈爰踣

踣蒲墨切王逸云有扈澆國名少康為仍牧正豈子厚承逸之誤歟

干協時舞何以懷之

王逸云干求舞務協和懷來也言少康朱云舞懷有苗

階干以娛苗革而格不迫以死夫胡狃厥賊

狃女久切

平脅曼膚何以肥之

王遂云紂為無道天下乖離懷憂癯瘦而反形體曼澤

卒后騃狂無憂以肥肆蕩弛厥體而充膏于肌膚寶被

躬焚以旗之

騃五駭切辛紂也紂敗衣寶玉之衣赴火而死武王斬紂頭懸之太白之旗

有扈牧豎云何而逢擊牀先出其命何從

言啓擊殺有扈于牀

扈釋于牧力使后之民仇焉寯啓牀以斲

寯一本作寓

恒秉季德焉得夫朴牛何往營班祿不但還來

朴大也

殷武踵德爰獲牛之朴夫唯陋民是冒而不號以瑞卒

營而班民心是市

朱云湯出獵得大牛不但驅馳往來而已還輒以所獲徧施祿惠于百姓

昏微循迹有狄不寧何繁鳥萃棘負子肆情

王逸云循闇微

之道為夷狄之行謂解居父聘吳過陳見婦人負子欲與之肆情婦人曰墓門雖無人棘上猶有鴉

解父狄淫遭慙以報彼中之不目而徒以色視

報乃板切愧也

眩弟並淫

象也

危害厥兄何變化以作詐後嗣而逢長

象不兄龔而奮以謀蓋

奮一本作肆

聖孰凶怒嗣用紹厥愛

成湯東巡有莘爰極何乞彼小臣

伊尹也

而吉妃是得

水濱之木得彼小子

伊尹生空桑中

夫何惡之勝有莘之婦

莘有玉女湯巡爰獲既內克厥合而外弼于德伊知非

妃伊之知臣曷以不識胡木化于母以蝎厥聖

蝎胡木中

蟲喻伊尹

喙鳴不良謾以詭正盡邑以塾孰譯彼夢

塾都念切

湯出重泉夫何辜尤

朱云辜古罪字重泉地名所謂夏臺桀拘湯於此

不勝

心伐帝夫誰使批之

批徒了切王逸云湯不勝衆心而伐桀桀先批之也

湯行不類重泉是因違虐立辟實罪德之由

辟婢亦切法也師

憑怒以割癸挑而讎

癸桀也

會鼂爭盟

鼂與朝同

何踐吾期蒼鳥羣飛

蒼鳥也

孰使莘之

到擊紂躬

朱云到作列

叔旦不嘉

周公也

何親揆發足周之

命以咨嗟授殷天下其位安施反成乃亡其罪伊何

爭遣伐器何以行之並驅擊翼何以將之

膠鬲比鰲雨行踐期

潘云比毗至切近也鰲疑當作鰲剝也主逸云紂使膠鬲視師武王

曰以甲子至會天雨武王晝夜行或請休息武王曰膠鬲令報紂矣甲子不到紂必殺之捧盞救灼

仁興以畢隨鷹之咸同得使萃之頸紂黃鉞旦孰喜之

朱云武王以黃鉞斬紂周公旦不喜親斬紂頭之事耳

民父有釐嗟以美之位庸

芘民仁克蒞之紂淫以害師殛圮之咸追厥死爭徂器

之翼鼓顛禦謹舞靡之

昭后成遊南土爰底厥利惟何而逢彼白雉

王逸云昭王出

遊南至於楚楚人沈之昭王南遊何以利於楚乎越裳獻白雉昭王德不能致欲親往逢迎之

水濱翫昭荊陷弑之繆迺越裳疇肯雉之

穆王巧梅夫何為周流

梅芒改切貪也

環理天下夫何索求

穆懔祈招猖洋以遊輪行九野惟怪之謀胡紿娛戴勝

之獸觴瑤池以迭謠

左昭十二年祭公作祈招詩止穆王之心西王母戴勝與穆天子觴

于瑤池之上為謠曰白雲在天山陵自出道理修遠山川間之將子无死尚能復來谷曰萬民平均吾顧見汝

妖夫曳銜何號乎市周幽誰誅焉得夫褒如

朱云銜
熒綃切

有二龍止於夏庭龍亡而羣在周厲王發而觀之羣
流于庭處妾遇之而生女弄之時有謠曰縶孤箕服
實亡周國後有責是器於市者以為妖怪執而戮之
夜得亡去聞所弄女啼聲哀而收之遂奔褒後褒人

入此女贖罪幽
王感而愛之

孺賊厥詵爰縶其孤幽禍拏以夸憚褒以漁淫嗜義殺

諫尸謗屠孰鱗釐以徵而化黿是辜

義即
蔑字

天命反側何罰何怙

朱云反側
言無常也

天邈以蒙人公以離胡克合厥道而詰彼允違

公或作
公音私

齊桓九會卒然身殺

朱云九糾通用卒終也
蓋桓公之會十有五

桓號其大任屬以傲幸良以九合逮孽而壞

彼王紂之躬孰使亂惑何惡輔攷

即弼字

讒諂是服比

干何逆而抑沈之雷開何順而賜封之何聖人之一

德卒其異方梅伯受醢箕子佯狂

朱本佯作詳音
佯雷開佞人

紂無誰使惑惟志為首逆圖倒視輔讒以侈寵

諸本多
無侈字

干異召死雷濟克后

比干
雷開

文德邁以被

文王
也

芮鞠順道

醢梅奴箕忠咸喪以醜厚

稷惟元子帝何篤之投之于氷上鳥何燠之何馮弓

挾矢殊能將之既驚帝切激何逢長之

王逸云馮大挾持也言后

稷長持大強弓挾箭矢洪興祖云此與下文相屬言武王能馮弓挾矢而將之以殊能

棄靈而功篤胡奕焉翼氷以炎盍崇長焉既岐既嶷宜

庸將焉紂凶以啓武紹尚焉

伯昌號衰

文王

秉鞭作牧何令徹彼岐社命有殷之國

伯鞭于西化江漢許易岐社以太國之命以祚武

遷藏就岐何能依

王逸云文王朱云言太王徙其實藏來就岐下

踰梁橐囊羶仁蟻萃

莊子徐無鬼篇蟻慕羊肉羊肉醴也

殷有感婦何所譏

王逸云謂妲己惑誤於紂不可復譏諫也

妲滅淫商痛民以亟去

妲丹達切痛音敷又普吳切病也亟紀力切疾也

受賜茲醢西伯上告何親就上帝罰殷之命以不救

朱云紂醢梅伯以賜諸侯文王受之以祭告語於上帝帝乃親致紂之罪罰故殷之命不可復救也

肉梅以頒烏不台詐孰盈癸惡兵躬殄祀

烏當作曷癸當作紂

師望在肆昌何志鼓刀揚聲后何喜

后謂文王也昌文王名

牙伏牛漁積內以外萌岐目厥心瞭眊顯光奮刀屠國

以髀髀厥商

髀髀音陸寬呂望屠牛文王問之呂望曰下屠屠牛上屠屠國

武發殺殷何所悵載尸集戰何所急

王逸云尸主也載文王木主

發殺曷逞寒民于烹惟栗厥文考

以栗為主

而虔子以徂征

伯林雉經維其何故何感天抑墜夫誰畏懼

王逸云謂申生

中譖不列恭君以雉胡蟪訟蜷賊而以變天地

蟪蜷喻驪姬

皇天集命惟何戒之受禮天下又使至代之

天集厥命惟德受之脗怠以棄夫又祐之

天祐下民作之君師

初湯臣摯

摯尹名

後茲承輔何卒官湯尊食宗緒

湯摯之合祚以久食昧始以昭末克庸成績

勲闔夢生少離散亡何壯武厲能流厥嚴

王逸云吳闔廬祖父

壽夢也闔廬怨不得為王少離散亡故在外乃刺王僚代為吳王大有功勲壯大也嚴威也

光徵夢祖

光闔廬名

憾離以厲彷徨激覆而勇益德邁

彭鏗斟雉帝何饗受壽永多夫何久長

彭祖名鏗獻雉羹於堯

鏗羹于帝聖孰嗜味夫死自暮而誰饗以俾壽

中央共牧后何怒蠭蟻微命力何固

政畜之蚊爭共食牧草自相齧

蜺蠶已毒不以外肆細腰羣螫夫何足病

蜺胡對切一云虺字

驚女采薇鹿何祐北至回水萃何喜

王逸云昔者女子采薇菜有所

驚而走萃止也女子驚而北走至于回水之上止而得鹿遂有福喜朱云未詳

萃回偶昌鹿曷祐以女

兄有噬犬弟何欲易之以百兩卒無祿

元注云問云百兩蓋謂車

也王逸以為百兩金誤也朱云舊注以為秦公子鍼之事然與左傳不同未知是否

鍼欲兄愛以快侈富愈多厥車卒逐以旅

晉語秦后子奔晉車千乘

薄暮雷電歸何憂厥嚴不奉帝何求伏匿穴處爰何

云荆黜作師夫何長先悟過改更我又何言

王逸云屈原書

壁所問畧訖日暮故去天雨雷電復至
自解曰歸何憂乎朱云此下皆不可曉

咨吟于野胡若之假嚴墜誼殄丁厥任合行違匿固若

所咿嘸

音伊憂

忿毒意誰與醜齊徂秦啗厥詐讒登狡庸

咈以施甘恬禍亟亟鋤夷愎不可化徒若罷

音疲勞也

吳光爭國久余是勝

吳光即闔閭

何環穿自閭社丘陵爰

出子文

一本作環閭穿社以及五陵是淫是蕩爰出于文朱云子文事見論語他則不可曉矣

吾告堵敖以不長

朱云堵敖者楚文王子成王兄也

何試上自予忠

名彌彰

試一本作讓予一本作與彰一本作章

闔綽厥武滋以侈顏於菟不可以作怠焉庸歸

元注云問云爰

出子文哀今無此人但任子蘭也王逸云子文之母鄭公之女旋穿閭社通于丘陵以淫而生子文弃之有虎

乳之楚人謂乳為穀謂虎為於菟故名穀於菟穀如口切於音烏菟音徒款吾教之闕以旅

尸

元注云楚人謂未成君而死曰教堵教楚文王兄也今哀懷王將如堵教不長而死以此告之逸注以為

堵教不長楚賢人大謬

誠若名不尚曷極而辭

元注云一本作食姑不失聖人胡往

不道朱文公云屈原彷徨山澤見楚有先王之廟及公卿祠堂圖畫天地山川神靈琦瑋及古聖賢怪物行事

因書其壁呵而問之以潔憤懣舊注之說徒以多識異聞為功唐柳宗元始欲質以義理為之條對然亦學未

聞道而誇多衒巧之意猶有雜乎其間

欽定四庫全書

柳河東集注

柳河東集注卷十四

欽定四庫全書

柳河東集注卷十五

宋 童宗說張敦頤潘緯 音釋

問答

晉問

晁无咎嘗取此文附續楚詞其系曰枚乘七發蓋以微諷吳王濞毋反晉問亦七蓋效七發以諷時君薄事役而隆道實云

吳子問於柳先生曰

吳子吳武陵也先生子厚自謂

先生晉人也晉之

故宜知之

故字下一本有封字者因下文而誤

曰然然則吾願聞之可乎

曰可晉之故封太行倚之

倚舉綺切
偏引也

首陽起之

首陽山名

黃

河迤之

潘云迤演爾切耶
行也字亦作迤

大陸靡之

大陸澤名
靡曼也

或巍而

高或呀而淵

呀虛加切
張口也

景霍汾澮以經其壖

晉語注景
大也霍山

在河東汾澮水名潘云汾符分切
澮古外切壖而宣切在河邊地

若化若遷鈎嬰蟬聯

然後融為平川而侯之都居大夫之邑建焉其高壯則

騰突撐拒

撐由庚切衰
柱也拒捍也

聳岬鬱怒

聳五交切語不入岬
許加切山深貌與岬

同谷中
大空

若熊罷之咆

音
虎豹之嗥

音
豪終古而不去攫秦

搏齊

攫厥縛
切持也

當者失據燕狄惴怯若卵就壓

壓或
作瓶振振

業業覩闕蹠戶

覩七慮切伺視也
蹠達協切蹈也

惕若僕妾其按衍則

平盈旋緣紆徐夷延若飛戴之翔舞

童云戴與戴
同余專切

洄水

之容與以稼則碩以植則茂以牧則蕃以畜則庶而人

用是富而邦以之阜其河則濬源崑崙入于天淵出乎

無門行乎無垠自匈奴而南以介西鄙衝奔太華

去聲
山名

在晉
之西運肘東指混潰后土

混音渾潰
胡對切

潰濁麋沸

潰音汾
又房吻

切湧
也

龜鼉詭怪于于汨汨騰倒駢越

潘云汨音背駢
音佚馬足疾貌

委

泊涯涘

音俟
水涯

呀呬欲納

呀呼加切張口也呬
切吸也欲呼合切大歎也

摧雜

失墜其所盪激則連山參差廣野環裂轉雷努風

轟呼宏切

努音弩

撼鵠于峴

撼戶敢切搖也鵠諸韻無此字一本作領音撼峴音憂

崩石之所

轉躍大木之所擢拔溯汧洞踏者

溯披朋切水激有聲汧白明切水鳴踏音

沓彌數千里若萬夫之斬伐而其軸轡之所負

軸音逐船尾施

拖處轡音盧船上刺樵處又漢律名船方長為舳舻二字皆當從舟

撞檣之所御

撞傳江切檣音

牆船也鱗川林壑墮雲遁雨瞬目而下者

瞬音舜

榛榛汙

汙百舍一赴若是何如吳子曰先生之言豐厚險固誠

晉之美矣然晉人之言表裏山河者

左僖二十六年子犯云

備敗

而已非以為榮觀顯大也吳起所謂在德不在險

見史記魏

家皆晉人之籍也

皆一本作此籍一本作籍

願聞其他

先生曰大鹵之金

鹵音魯太原晉陽縣

棠谿之工

棠谿屬蔡州

火化水

淬

潘云取內切前漢作焠注謂燒而內水中以堅之

器備以充為棘為矛

棘即戟字

為鍛為鈎

鍛音殺長矛

為鏑為鏃

鏃音的鏃作木切並矢鋒

為為鏃

晏本如此

寫宣獻本无為鏃為三字張云鏃音侯矢名

出太白徵辱收召招搖伏蚩尤

肅肅裋裋

一作裋童云裋山宜切儼或從從

合衆靈而成之博者狹者

曲者直者岐者勁者長者短者攢之如星奮之如霆運

之如縈浩浩奕奕淋淋滌滌熒熒的的若雪山冰谷之

積觀者膽掉

徒弔切

目出寒液

淚也

當空發耀英精互繞晃

蕩洞射天氣盡白日規為小鑠雲破霄跼墜飛鳥

跼都肭切

又它協切

弓人之弓函人之甲膠角百選犀兕七屬

童云音注周禮

考工函人犀甲七屬音注

乃使跟超掖夾之倫

童云跟音根足踵夾音俠

服而持

之南瞰諸華

瞰苦濫切遠視

北警羣夷

警質涉切失氣

技擊節制

荀子齊之

技擊威文之節制

聞於天下是為善師延目而望之固以拳拘

喘汗免胄肉袒進不敢降

胡江切

退不敢竄若是何如吳

子曰夫兵之用由德則吉由暴則凶是又不可為美觀

也先軫曰師直為壯曲為老

出左傳僖公二十八年

况徒以堅甲

利刃之為上哉

先生曰晉國多馬屈焉是產

屈求勿切又居勿切屈地生良馬

土寒氣

勁崖圻谷裂草木短縮鳥獸墜匿而馬蕃焉師師牝牝

牝音訛進也

溶溶紘紘輻輳

上音雷輳音隣

或赤或黃或玄或

蒼或醇或駝

莫江切雜色

黥然而陰

黥音揜黑色

炳然而陽若旌

旃旂幟之煌煌乍進乍止乍伏乍起乍奔乍躡

音致躡也

若

江漢之水疾風驅濤擊山盪壑雲沸而不止羣飲源槁

迴食野赭

音者赤色

浴川感浪噴震播灑

噴普問切鼓鼻也灑音洒

漬漬

焉若海神駕雪而來下觀其四散惆恍

童云惆恍兩切本作敞恍許往

切惆恍強免

開合萬狀喜者鵲屬怒者人搏決然坐躍

坐蒲悶切

千里相角風駿霧鬣

紅駿祖切

斲山抉壑

斲音燭斲也

耳搖層雲

腹捎衆木

潘云捎師交切斐也又音宵

寂寥遠游不夕而復攬地跳

梁堅骨蘭筋

相馬經一筋從玄中出謂之蘭筋玄中者目上陷如井字蘭筋堅者千里

交頸

互齧鬬目相馴聚洩更噓昂首張斷其小者則連牽繳

繞仰乳俯齧

下沒切
齧也

蟻雜蜂集啾啾漶漶

張云七立切
上林賦漶漶

鼎沸注謂
水激也

旅走叢立其材之可者收斂攻教掉手飛靡

指毛命物百步就羈牽以荀息

穀梁傳二年荀息
牽馬操壁而前

御以

王良

左哀二年郵良曰我
御之上也即王良

超以范鞅

左傳襄公二十三
年范鞅請超乘持

帶遂軒以欒鍼

童云上音鸞下其廉切人姓名左傳咸
十六年欒鍼為右掀公出於淖掀音軒

也舉以佃以戎獸獲敵摧若是何如吳子曰恃險與馬者

子不聞乎故曰冀之北土馬之所生是不一姓

左傳昭
公四年

晉司馬
侯云請置此而新其說

先生曰晉之北山有異材梓匠工師之為宮室求大木

者天下皆歸焉仲冬既至寒氣凝成外凋內貞瀋液不

行

童云瀋昌枕切說文汁也液音亦

乃堅乃良萬工舉斧以入必求諸

巖崖之歌傾磻壑之紆縈凌巒岼之杪顛

巒祖丸切岼五官切山銳

兒杪音眇標末也顛山之高處

漱泉源之淦潛

淦古南切潛音營水流兒

根絞怪石

不土而植千尋百圍與石同色羅列而伐者頭抗河漢

刀披虹霓聲振連巒栴填層谿

童云栴音肺古廢切削木札也

丁丁登

登

丁中莖切

礧礧稜稜

礧唐切

若兵車之乘凌其響之所應則

潰潰湔湔

被萌切

洶洶薨薨

洶許拱切

若騫若崩若螭龍之鬪

風霆相騰其殊而下者札戛捎殺

戛音戛

摧碎块北

碎昨沒

律二切山峻兒块烏朗切塵也北音軋山曲也

霞披電裂又似共工觸不周而

天柱折

列子

鷗鷯鷽鷽

童云音昆灌秋蒼

號鳴飛翔羆豸虎兕

羆勅

俱切豸音岸

奔觸警慄伏無所入遯無所脫然後斷度收羅

捎危顛芟繁柯乘水潦之波以入于河而流焉盪突肆

兀

童云碑即兀切碑兀危石也

轉騰冒沒類秦神驅石以梁大海

三齊

畧記秦始皇驅石下海石去不速神人鞭之

抵曲鱗感滙流雷解

滙音會水合流一音

胡罪切
水迴

前者汨越後者迫隘乃下夫龍門之懸水摺拉

頽踏

童云摺質涉切敗也張云拉落合切摧也亦通作摺

猝首軒尾

猝昨沒切

頽入重

淵

胡動切大水濛濛

不知其幾百里也濤波之旋滔山觸天既

渟既平彌望悠焉良久乃始昂屹涌溢挺拔而出林立

峰崒穿雲蔽日渙然自撓復就行列渾渾而去以至其

所唯良工之指顧叢臺阿房

叢臺在邯鄲城中建聚非一趙武靈王建房音旁始

造長樂未央建章昭陽之隆麗詭特

漢宮殿

皆是之自出

若是何如吳子曰吾聞君子患無德不患無土患無土

不患無人患無人不患無宮室患無宮室不患材之不

已有先生之所陳四累之下也且虎祁既成諸侯叛之

虎音斯一本作虢左傳昭公十三年晉成虎祁之官諸侯皆有二心注虎祁地名在絳縣之西地

先生曰河魚之大上迎濤波一有羅字壅津涯千里雷馳重

馬輕車遂以君命矢而縱觀焉左傳隱公五年矢于棠注矢陳也大畧

斷流修網亘山罩罾麗罾音都教切曲梁罾力九切麗音鹿童云張衡西京賦設罾

麗注云魚網也音獨鹿唐韻古賣切又胡封切皆不說是魚網今上文四物皆是魚網當音鹿獨織紅

其間巨舟軒昂伻伻還環水師更呼聲裂商顏商山之顏見前

漢志

於是鼓譟皆集而從之扼龍吭

即戶切

拔鯨鰭

音戮白

鼉逐毒螭叱馮夷立水渚搜攪流離

攪古切

掬縮推移梁

曾網威騰天彌圍棹擗擁踴

童云

擗音壁說

文人不能行也

以登夫歷

山之垂如川之歸如山之崔

音摧字

亦作摧

如雲之披其有乘

化會神振拔漣淪

漣音連

水成文

也淪音倫小波

搞奇文出怪鱗騰飛

濤而上逸生電雷於龍門者猶仰綸飛繳頻踏而取之

繳音灼

踏一本作踣

莫不脫角裂翼呀嚇訥訥

呀虛加切

張口嚇

音赫口拒入怒也

復就嚮切莫保龍籍具糝五味

具一作甘

糝女教切

雜也

布列雕俎

風雲失勢沮散遠去若夫魴鱮鯢鯢鯢鱧鯢鱣之瑣屑

蔑裂者

魴音沙 鱮音常 鯢音消 鯢音里 鯢音偃 鱧音禮 鱣音防 鯢音叙 上聲

夫固不足悉

數漏脫絃目養之水府而三河之人則已填溢饜飫腥

膏烏鹵膾炙之美則掩鼻感頰

阿葛切

賤其糞土而莫

顧者也若是何如吳子曰一時之觀不足以夸後世口

舌之味不足以利百姓姑欲聞其上者

先生曰猗氏之鹽

猗於宜切 縣名有鹽池屬河中

晉寶之大也人之賴

之與穀同化若神造非人力之功也但至其所則見溝

塋畦畹之交錯輪囷

塋神陵切
畦中畦切

若稼若圃敞兮勻勻渙

兮鱗鱗邏彌紛屬

邏力紙切
彌屬音燭

不知其垠俄然決源醲

流

醲山宜切
又所綺切

交灌互澍

注澍二音

若枝若股委屈延布

屈一作曲

脉寫膏浸渠濕滑汨

渠即入切
汨音骨又趙筆切

彌高掩庫漫

隴冒塊

漫平聲

決決沒沒遠近混會抵值堤防澍瀛沛濺

澍伊盈切
濺火活切

偃然成淵泝然成川

泝音莽
大水兒

觀之者徒見

浩浩之水而莫知其以及神液陰澆甘鹵密起

鹵鹹水

孕

靈富媼

童云媼烏皓切
前禮樂志后土富媼

不愛其美無聲無形燁

結迅詭

張云燦卑遙切說文云火飛也

迴眸一瞬積雪百里皛皛皛皛

皛胡了胡灼二切明也

奮債離析

童云債方問切僵也

鍛圭椎璧

鍛丁貫切椎音槌言鹽之狀

眩轉的皪乍似墮星及地明滅相射

滅一

本作激射食亦切

冰裂電碎龍從增益

龍格孔從祖紅子孔二切山兒

大者印

纍小者珠剖涌者如坻

張云坻音婢水渚也又典禮切

坳者如缶日晶熠

煜

晶音精熠羊入切煜音育

螢駭電走亘步盈車方尺數斗於是裒

歛合集舉而堆之皓皓乎懸圃之巍巍皦乎漾乎狂山

太白之淋漓

皦古了切白也漾弋沼切大水兒太白山名漓潘本云作儺流兒一曰水滲入地

駭化變之神奇卒不可推也然後驢羸牛馬之運

羸與驢同

西出秦隴南過樊鄧北極燕代東逾周宋家獲作鹹之

利人被六氣之用和鈞兵食以征以貢其賚天下也與

海分功可謂有濟矣若是何如吳子曰魏絳之言曰近

寶則公室乃貧

出左傳成公七年

豈謂是耶雖然此可以利民

矣而未為民利也先生曰願聞民利吳子曰安其常而

得所欲服其教而便於己百貨通行而不知所自來老

幼親戚相保而無德之者不苦兵刑不疾賦力所謂民

利民自利者是也

先生曰文公之霸也援秦破楚囊括齊宋曹衛解裂魯

鄭震恐定周于溫奉冊受錫夾輔糾逖

逖勅力切左傳僖公二十八年

策命晉侯糾逖王惡注逖遠也有惡於王者糾而遠之

以為侯伯齊盟踐土低昂

玉帛天子恃焉以有諸侯諸侯恃焉以有其國百姓恃

焉以有其妻子而食其力叛者力取附者仁撫推德義

立信讓示必行明所嚮達禁止一好尚春秋之事

謂朝聘之

事公侯大夫策文馬馳軒車出入環連貫于國都則有

五筵之堂九几之室

筵八尺几三尺周禮冬官云室中度以几堂上度以筵度待洛切

大小定位左右有秩禽牢飴饋交錯文質饗有嘉樂宴

有庭實登降好賦犧象畢出

張云犧素何切犧象皆尊名

犒勞贈賄

勞郎到切賞功賄呼罪切貨也

率禮無失六卿理兵大戎小戎鐘鼓丁

寧以討不恭

左傳宣公四年注丁寧鉦也

車埵萬乘

埵音勞倅也乘去聲

卒半

天下鼓之則震旆之則畏

左傳昭公十三年復旆之諸侯畏之注軍將戰則旆故曳

旆以恐之

其號令之動若水之源若輪之旋莫不如志當此

之時咸能驩娛以奉其上故其民至于今好義而任力

此以民力自固假仁義而用天下其遺風尚有存者若是可以為民利也乎吳子曰近之矣然猶未也彼霸者之為心也引大利以自嚮而樓他人之力以自固樓音樓而民乃後焉非不知而化不令而一異乎吾嚮之陳者故曰近之矣猶未也

先生曰三河古帝王之更都焉

更音庚三河河東河南河北也舜都蒲坂禹都

夏縣皆在河東伏羲神農都陳郡在河南一云伏羲都曲阜黃帝都鄭州少昊都窮桑皆在河南黃帝都涿鹿則在河北又云堯都河東殷都河內周都河南而平陽堯之所理也

平陽今晉州有

茅茨采椽土型之度

型音形 羹器以瓦為之 韓子云 堯彩椽不亂 茅茨不剪 歟 土型

故

其人至於今儉嗇有溫恭克讓之德故其人至於今善

讓有師錫僉曰疇咨之道故其人至於今好謀而深有

百獸率舞鳳凰來儀於變時雍之美

於音鳥

故其人至於

今和而不怒有昌言儆戒之訓故其人至于今憂思而

畏禍有無為不言垂衣裳之化

晏本無裳字

故其人至于今

恬以愉此堯之遺風也願以聞於子何如吳子離席而

立拱而言曰美矣善矣其蔑有加矣此固吾之所欲聞

也夫儉則人用足而不淫讓則遵分而進善其道不闕

分扶
問切

謀則通於遠而周於事和則仁之質戒則義之實

恬以愉則安而久於其道也至乎哉今主上方致太平

動以堯為準先生之言道之與者若果有貢於上則吾

知其易易焉也

易並以政切易易出禮記鄉
飲酒義一本只有一易字

舉晉國之

風以一諸天下如斯而已矣敬再拜受賜

答問

有問柳先生者曰先生貌類學古者然遭有道不能奮

厥志獨被罪辜廢斥伏匿交遊解散

解音蟹

羞與為戚生

平嚮慕毀書滅跡他人有惡指誘增益身居下流為謗

藪澤罵先生者不思陵先生者無適遇揖目動聞言心

惕時行草野不知何適獨何劣耶觀今之賢智莫不舒

翹揚英推類援朋壘足天庭魁壘恢張

魁口賄切壘音磊一本作碧魁

壘壯兒張一本作能

羣驅連行奇謀高論左右抗聲出入翕忽擁

門填局一言出口流光垂榮豈非偉耶先生雖讀古人

書自謂知理道識事機而其施為若是其悖也狼狽擯

僇

音殘

何以自表於今之世乎先生荅曰敬聞命然客言

僕知理道識事機過矣僕慚夫屈伸去就觸罪受辱幸

得聯支體完肌膚猶食人之食衣人之衣用人之貨無

耕織居販

居儲貨也

然而活給羞媿恐慄之不暇今客又推

當世賢智以深致誚責吾繲囚也

繲倫追切黑索

逃山林入江

海無路其何以容吾軀乎願客少假聲氣使得詳其心

次其論客曰何取先生曰僕少嘗學問不根師說心信

古書以為凡事皆易不折之以當世急務徒知開口

而言閉目而息挺而行躓而伏

躓音致

不窮喜怒不究曲

直衝羅陷穽不知顛踣

蒲北切

愚蠢狂悖若是甚矣又何

以恭客之教而承厚德哉今之世工拙不欺賢不肖明

白其顯進者語其德則皆茫洋深閤端貞鯁亮色并涵

養與道俱往而僕乃蹇淺窄僻跳浮矍矍

矍集韻胡陌切大呼也又

矍矍多言也唐韻矍矍大喚也矍矍子夜切歎聲也又側伯切大聲也

抵瑕陷厄固不足以

越趄批掇而追其跡

越于容切趄千餘切行不進兒批蒲結切掇力結切

舉其理

則皆謨明淵沈剖微窮深

剖晉后切

劈析是非

劈匹歷切

校度古

今而僕乃緘鉗塞默

緘五咸切鉗其廉切

耗耗窒惑

耗音冒目少睛

扶異

探怪起幽作匿攸攸恤恤

左傳昭公十三年恤恤乎湫乎攸乎注攸懸危兒恤憂患

也

卒自既賊

既即禍字

固不足以睢盱激昂而效其則

童云睢翔

規切仰目也盱勾于切張目也

言其學則皆總攬羅絡橫豎雜博天旋

地縮鬼神交錯而僕乃單庸撒孳

童云撒匹茂切字正作擎

離疏空

虛竊聽道塗顓臾蒙愚不知所如固不足以抗顏搖舌

而與之俱稱其文則皆汗漫輝煌呼噓陰陽

噓一作喻

三光

輟輟音交葛長遠兒一日雜亂

陶鎔帝皇而僕乃朴鄙艱澀培塿

渠洽

張云培薄口切或作嵒渠朗口切博雅培渠冢也左氏魯襄公二十四年云部婁无松柏字不从士

童云渠子入七立二切洽丑入切水兒

憂聯縷緝塵出塊入

塊於郎切

固不足

以攄擣踊躍而涉其級茲四者懸判雖庸童小女皆知

其不及而又裹以罪惡纏以羈繫

上居宜切下涉立切

客從而擠

之

擠腴西子計二切排也

不亦忍乎且夫白羲綠耳之得康莊也

義晏本作蟻馬名列子云周穆王駕八駿之乘右逐奔綠耳左白羲又爾雅通五達謂之康六達謂之莊

星先飄風而跛驢不出泥滓黃鐘元間之登清廟也

國語

云元間大吕注在陽律之間潘云間如字又間厠之間

鏗天地動神祇而鳴鳴咬

哇

鳴鳴秦聲咬五巧切哇於加烏瓜二切耶聲

不入里耳西子毛嫱之蹈後

官也

西子西施也毛嫱越王嬖姬

皦朝日煥浮雲而無鹽逐於鄉里

無鹽齊女

蛟龍之騰於天淵也彌六合澤萬物而蝦與蛭不

離尺水

蛭音質水蟲

卓詭倜儻之士之遇明世也

倜他歷切儻他黨切

不羈也

用智能顯功烈而磨耿連蹇

磨目果切細也連盧蹇切出前揚雄傳

顛頓披靡固其所也客又何怪哉且夫一涉險阨懲而

不再者烈士之志也知其不可而速已者君子之事也

吾將竊取之以沒吾世不亦可乎乃歌曰堯舜之修兮

禹益之憂兮能者任而愚者休兮蹢蹢蓬蘽

蹢音仙蘽徒叫切藜

蘽也

樂吾囚兮文墨之彬彬

一本作申申

足以舒吾愁兮已乎

已乎曷之求乎客乃笑而去

起廢答

柳先生既會州刺史即治事還遊于愚溪之上溪上聚

鰲老壯齒

鰲音黎黑黃色

十有一人謏足以進

謏山六切起也

列植以

慶卒事相顧加進而言曰今茲是州起廢者二焉先生

其聞而知之歟答曰誰也曰東祠雙浮圖

雙於益切不能行

中

廢病顧之駒

音拘

曰若是何哉曰凡為浮圖道者都邑之

會必有師師善為律以勅戒始學者與女釋者甚尊嚴

且優游覽浮圖有師道少而病覽日愈以劇居東祠十

年扶服輿曳

扶服與葡圖同

未嘗及人仄匿愧恐殊甚

仄一本作側一

本無殊字今年他有師道者悉以故去始學者與女釋者偃偃

無所師

童云偃丑良切偃偃無見兒又音偃獨立也

遂相與出覽浮圖以為

師盟濯之

盥古澣古玩二切澡也

扶持之壯者執輿幼者前驅

被以其衣導以其旗怵惕疾視引且翼之覽浮圖不得

已凡師數百生

一云人生

日饋飲食時獻巾悅

始銳切佩巾

洋洋

也舉莫敢踰其制中廢病顙之駒顙之病亦且十年色

玄不尫無異枝磴然大耳

磴苦東戸宋二切

然以其病不得齒

他馬食斥棄異阜

在早切馬關

恒少食屏立擯辱掣頓異甚

垂首披耳懸涎屬地凡廢之馬無肯為伍會今刺史以

御史中丞來蒞吾邦屏棄羣駒舟以沂江將至無以為

乘廢人咸曰病顙駒大而不尫可秣飾焉他馬已焚痺

狹

焚蒲墨切

無可當吾刺史者於是衆牽駒上燥土大廐下

薦之席縻之絲浴剔蚤鬻

剔他歷切蚤與爪同謂除爪鬻子淺切剪鬻

刮惡

除洩莖以雕胡

莖音剡斬芻也雕胡菰草

秣以香箕

音箕豆莖潘云梁曰香箕

錯

貝鱗纓

錯千落切纓音襄馬腹帶

鑿金文羈絡以和鈴

和合作銖車衡上鈴

纓

以朱綏

儒佳切纓也

或膏其鬣或廁其臚

童云廁音磨平聲張云臚視佳切尻

也御夫盡飾然後敢持除道履石立之水涯

音幢幢旗前

羅

幢傳江切旌旗屬旗音與旗畫鳥隼

杠蓋後隨

杠音江旗竿

千夫翼衛當道

上馳抗首出臆

音

一震奮遨嬉當是時若有知也豈不曰

宜乎先生曰是則然矣叟將何以教我鰲老進曰今先

生來吾州亦十年矣足軼疾風

張云軼徒結切車相過也又音逸

鼻知臙

香

臙與羶同

腹溢儒書口盈憲章包今統古進退齊良然而

一廢不復曾不若臂足涎頽之猶有遭也朽人不識敢

以其惑願質之先生先生笑且答曰叟過矣彼之病病

乎足與頽也吾之病病乎德也又彼之遭遭其無耳今

朝廷洎四方豪傑林立謀猷川行羣談角智列坐爭英

披華發輝揮喝雷霆老者育德少者馳聲卅角羈貫

卅古

患切排廁鱗征一位暫缺百事交并駢倚懸足曾不得

束發

逞不若是州之乏釋師大馬也而吾以德病伏焉豈雙
足涎額之可望哉叟之言過昭昭矣無重吾罪於是鰲
老壯齒相視以喜且吁曰諭之矣拱揖而旋為先生病
焉

柳河東集注卷十五

欽定四庫全書

柳河東集注卷十六

宋 童宗說 張敦頤 潘緯 音釋

說

天說

韓愈謂柳子曰若知天之說乎吾為子言天之說今夫
人有疾痛倦辱饑寒甚者因仰而呼天曰殘民者昌佑
民者殃又仰而呼天曰何為使至此極戾也若是者舉

不能知天夫果菰飲食既壞

童云菰魯果切在地曰菰

蟲生之

人之血氣敗逆壅底為癰瘍疣贅癰痔

瘍音陽癰音漏痔文里切說文

後病也蟲生之木朽而竭中

張云竭音昌木中蟲非螫毒音歇者

草腐而螫

飛是豈不以壞而後出耶物壞蟲由之生元氣陰陽之

壞人由而生蟲之生而物益壞食齧之攻穴之蟲之禍

物也滋甚其有能去之者有功於物者也繁而息之者

物之讎也人之壞元氣陰陽也亦滋甚墾原田伐山林

鑿泉以井飲窾墓以送死

窾音款

而又穴為偃洩

偃一作洩漏也

漉音菟
尿也

築為牆垣城郭臺榭觀游疏為川瀆溝洫陂池

燧木以燔

音煩
焚也

革金以鎔陶甄琢磨悴然使天地萬物

不得其情倖倖衝衝攻殘敗撓而未嘗息其為禍元氣
陰陽也不甚於蟲之所為乎吾意有能殘斯人使日薄
歲削禍元氣陰陽者滋少是則有功於天地者也蕃而
息之者天地之讎也今夫人舉不能知天故為是呼且
怨也吾意天聞其呼且怨則有功者受賞必大矣其禍
焉者受罰亦大矣子以吾言為何如柳子曰子誠有激

而為是耶則信辯且美矣吾能終其說彼上而玄者世謂之天下而黃者世謂之地渾然而中處者世謂之元氣寒而暑者世謂之陰陽是雖大無異果蓏癰痔草木也假而有能去其攻穴者是物也其能有報乎蕃而息之者其能有怒乎天地大果蓏也元氣大癰痔也陰陽大草木也其烏能賞功而罰禍乎功者自功禍者自禍欲望其賞罰者大謬呼而怨欲望其哀且仁者愈大謬矣子而信子之仁義以遊其內生而死爾烏置存亡得

喪於果茲癰痔草木耶

劉禹錫云柳子厚作天說以折韓退之之言文信美矣盖有激

而云非所以盡天人之際故作天論以極其辯附錄集末

鵲說

鵲胡骨切

有鵲曰鵲者穴于長安薦福浮圖有年矣浮圖之人室
宇於其下者伺之甚熟為余說之曰冬日之夕是鵲也
必取鳥之盈握者完而致之以燠其爪掌左右而易之
旦則執而上浮圖之跂焉縱之

跂邱弭去智二切浮圖之跂塔之最高處延

其首以望極其所行往必背而去焉苟東矣則是日也

不東逐南北亦然嗚呼孰謂爪吻毛翮之物而不為仁

義器耶

吻武粉切口邊翮下革切羽莖

是固無號位爵祿之欲里閭親

戚朋友之愛也出乎鰕卵

鰕古候切鳥子須哺曰鰕能自食曰雛

而知攫

食決裂之事爾

食字一本上有博字

不為其他凡食類之飢唯旦

為甚今忍而釋之以有報也是不亦卓然有立者乎用

其力而愛其死以忘其饑又遠而違之非仁義之道耶

恒其道一其志不欺其心斯固世之所難得也余又疾

夫今之說日以煦煦而默

煦於遇切

徐徐而俯者善之徒以

翹翹而厲炳炳而白者暴之徒今夫梟鵂晦於晝而神

於夜

梟堅亮切不孝鳥鵂音休怪鵂

鼠不穴寢廟循牆而走是不近於

煦煦者耶今夫鵲其立趯然

趯音述

其動若然

若呼號切

其視

的然其鳴革然是不近於翹翹者耶由是而觀其所為則今之說為未得也孰若鵲者吾願從之毛耶翮耶胡不我施寂寥泰清樂以忘飢

朝日說

一本上有祀字

柳子為御史主祀事將朝日其僚問曰古之名曰朝日

而已

潮 朝音

今而曰祀朝日何也余曰古之記者則朝拜

之云也今而加祀焉者則朝旦之云也

昭 朝音

今之所云

非也問者曰以夕而偶諸朝或者今之是乎余曰夕之

名則朝拜之偶也古者旦見曰朝暮見曰夕

見並去聲

故詩

曰邦君諸侯莫肯朝夕

雨無正詩

左氏傳曰百官承事朝而

不夕

左傳成公十年邵至云

禮記曰日入而夕又曰朝不廢朝暮

不廢夕

鄉飲酒義

晉侯將殺豎襄叔向夕

向上聲豎內豎襄名也出國晉語

楚子之畱乾谿右尹子革夕

乾谿地名出左傳昭公十二年

齊之亂子

我夕

史記齊簡公四年

趙文子礮其椽張老夕

礮盧紅切出國語

智襄

子為室美士茁夕

茁尺滑切出國語

皆暮見也漢儀夕則兩郎

向瑱闡拜謂之夕郎

出漢官儀

亦出是名也故曰大采朝日

小采夕月

國語云

又曰春朝朝日秋夕夕月

前賈誼傳

若是其

類足矣

一本無其類字

又加祀焉蓋不學者為之也僚曰欲子

之書其說吾將施于世可乎余從之

捕蛇者說

永州之野產異蛇黑質而白章觸草木盡死以齧人無

禦之者然得而腊之以為餌可以已大風攣踠癰

止已

也攣閭緣切踠音宛又於遠切曲脚足疾癰音漏頭腫也一曰久創癰音厲瘻也

去死肌殺三

蟲其始大醫以王命聚之歲賦其二募有能捕之者當

其租入

當去聲

水之人爭奔走焉有蔣氏者專其利三世

矣問之則曰吾祖死於是吾父死於是今吾嗣為之十

二年幾死者數矣言之貌若甚感者余悲之且曰若

毒之乎余將告于蒞事者更若役復若賦則何如蔣氏

大戚汪然出涕曰君將哀而生之乎則吾斯役之不幸

未若復吾賦不幸之甚也嚮吾不為斯役則久已病矣
自吾氏三世居是鄉積於今六十歲矣而鄉鄰之生日
蹙殫其地之出竭其廬之入號呼而轉徙飢渴而頓踣

童云音
劄僵也

觸風雨犯寒暑呼噓毒癘往往而死者相藉也

曩與吾祖居者今其室十無一焉與吾父居者今其室
十無二三焉與吾居十二年者今其室十無四五焉非
死而徙爾而吾以捕蛇獨存悍吏之來吾鄉叫囂乎東
西隳突乎南北譁然而駭者雖雞狗不得寧焉吾恂恂

而起視其缶而吾蛇尚存則弛然而卧謹食之

食音時嗣

而獻焉退而甘食其土之有以盡吾齒蓋一歲之犯死

者二焉其餘則熙熙而樂豈若吾鄉鄰之旦旦有是哉

今雖死乎比比吾鄉鄰之死則已後矣又安敢毒耶余

聞而愈悲孔子曰苛政猛於虎也

記檀弓泰山側有婦人哭曰昔者吾舅死

於虎吾夫又死焉今吾子又死焉夫子曰何為不去也曰無苛政夫子曰小子識之苛政猛於虎也吾嘗

疑乎是今以蔣氏觀之猶信嗚呼孰知賦歛之毒有甚

是蛇者乎故為之說以俟夫觀人風者得焉

禘說

童云禘音乍祭名也禮記作蜡

柳子為御史主祀事將禘進有司以問禘之說則曰合百神於南郊以為歲報者也先有事必質于戶部戶部之詞曰旱于某水于某蟲蝗于某癘疫于某則黜其方守之神不及以祭余嘗學禮蓋思而得之則曰順成之方其禘乃通

記郊特牲篇句

若是古矣繼而歎曰神之貌乎吾

不得而見也祭之饗乎吾不可得而知也是其誕漫愒

悅

童云誕音但徒旦切漫謨官切又莫半切徹齒兩切悅許往切

冥冥焉不可執取者

夫聖人之為心也

一本無心也字

必有道而已矣非於神也蓋于

人也以其誕漫愒愒冥冥焉不可執取而猶誅削若此

況其貌言動作之塊然者乎是設乎彼而戒乎此者也

其旨大矣或曰若子之言則旱乎水乎蟲蝗乎癘疫乎

未有黜其吏者而神黜焉而曰蓋于人者何也予曰若

子之云旱乎水乎蟲蝗乎癘疫乎豈人為之耶故其黜

在神暴乎眊乎沓貪乎罷弱乎

眊莫報切罷音疲

非神為之也

故其罰在人今夫在人之道則吾不知也不明斯之道

而存乎古之數其名則存而教之實則隱

而一本作其

以為

非聖人之意故歎而云也曰然則致雨反風蝗不為災

虎負子而趨

劉昆宋均等

是非人之為則何以余曰子欲知

其以乎所謂偶然者信矣

劉昆云偶然耳

必若人之為則十年

九潦八年七旱者

莊子秋水篇

獨何如人哉其黜之也苟明

乎教之道雖去古之數可矣反是則誕漫之說勝而名

實之事喪亦足悲乎

乘桴說

子曰道不行乘桴浮於海從我者其由也與子路聞之
喜子曰由也好勇過我無所取材說曰海與桴與材皆
喻也海者聖人至道之本所以浩然而遊息者也桴者
所以遊息之具也材者所以為桴者也易曰復其見天
地之心乎則天地之心者聖人之海也復者聖人之桴
也所以復者桴之材也孔子自以拯生人之道不得行
乎其時將復於至道而遊息焉謂由也勇於聞義果於

避世故許其從之也其終曰無所取材云者言子路徒
勇於聞義果於避世而未得所以為復者也此以退子
路兼人之氣而明復之難耳然則有其材以為其桴

桴字上
無其字

而遊息於海其聖人乎子謂顏淵曰用之則行

舍之則藏唯我與爾有是夫由是而言以此追庶幾之
說則回近得矣而曰其由也與者當是歎也回死矣夫
或問曰子必聖人之云爾乎曰吾何敢以廣異聞且使
遯世者得吾言以為學其於無悶也捷焉而已矣

捷一作
本作

狹潘云捷店
偃切距也

說車贈楊誨之

楊憑之子也憑貶臨賀尉
故其子由永州至賀州

楊誨之將行柳子起而送之門有車過焉指焉而告之
曰若知是之所以任重而行於世乎材良而器攻圓其
外而方其中然也材而不良則速壞工之為功也不攻
則速敗中不方則不能以載外不圓則窒拒而滯方之
所謂者箱也圓之所謂者輪也匪箱不居匪輪不塗吾

子其務法焉者乎曰然曰是一車之說也非衆車之說

也吾將告子乎衆車之說澤而杼童云杼直呂切周禮考工記行澤欲杼注

削薄其地也山而侔考工記行山欲侔注侔謂上下等上而輕下而軒且更

輕音致俯也軒仰也六月詩注從後視之如輕從前視之如軒祥而曠左記曲禮句注葬車空神位

也革而長轂以戟周禮革車以即戎左傳注長轂戎車也巢焉而以望巢當

作輶左成十六年注巢車車上為檣釋文云兵車高如巢以望敵安以愛老曲禮大夫七十乘安

車輜以蔽內輜音緇載衣物車前後皆蔽垂綏而以旼綏宣佳切曲禮武車綏旌

舒之注謂垂載十二旒而以廟以郊以陳于庭周禮中車其類衆

也然而其要存乎材良而器攻圓其外而方其中也是故任而安之者箱達而行之者輪恒中者軸揭而固者

蚤

揭音局戰持也蚤音介謂輻八牙中者牙去聲

長而撓進不罪乎馬退不罪

乎人者轅却暑與雨者蓋敬而可伏者軾服而制者馬若牛然後衆車之用具今楊氏仁義之林也其產材良誨之學古道為古辭冲然而有光其為工也攻果能恢其量若箱周而通之若輪守大中以動乎外而不變乎內若軸攝之以剛健若蚤引馬而宜御乎物若轅高以

遠乎汙若蓋下以成乎禮若軾險而安易而利動而法則庶乎車之全也詩之言曰駟牡駢駢六轡如琴孔氏語曰左為六官右為執法此其以達於大政也凡人之質不良莫能方且恒質良矣用不周莫能以圓遂孔子於鄉黨恂恂如也遇陽虎必曰諾而其存夾谷也視叱齊侯類蓄狗不震乎其內後之學孔子者不志於是則吾無望焉耳矣誨之吾戚也長而益良方其中矣吾固欲其任重而行於世懼圓其外者未至故說車以贈

謫龍說

扶風馬孺子言年十五六時在澤州與羣兒戲郊亭上

頃然有奇女墜地有光晔然被緞表白紋之裏

緞將侯切又側

鵬切帛青赤色

首步搖之冠貴游年少駭且悅之稍狎焉奇女

頽爾怒曰不可

頽普名切又普伶切文選頽薄怒以自持兮知不可乎犯干藩云頽普徑切美

貌一日歛容玉篇作葩

吾故居鈞天帝宮下上星辰呼噓陰陽薄

蓬萊羞崑崙而不即者帝以吾心侈大怒而謫來七日

當復今吾雖辱塵土中非若儼也

儼郎計切偶也若汝也

吾復且

害若衆恐而退遂入居佛寺講室焉及期進取杯水飲之噓成雲氣五色脩脩也脩音宵因取裘反之化為白龍徊翔登天莫知其所終亦怪甚矣嗚呼非其類而狎其謫不可哉孺子不妄人也故記其說

復吳子松說

答吳武陵

子之疑木膚有怪文與人之賢不肖壽夭貴賤果氣之寓歟為物者裁而為之歟余固以為寓也子不見夫雲之始作乎教怒衝涌教涌沒切擊石薄木而肆乎空中偃然

為人拳然為禽敷舒為林木岵嶸為宮室

岵或作嶸苦
曷丘葛二切

嶸魚列于葛
二切山高貌

誰其搏而斲之者風出洞窟流離百物經

清觸濁呼召竅穴與夫草木之儼偶紛羅雕葩刺芒臭
朽馨香采色之赤碧白黃皆寓也無裁而為者又何獨
疑茲膚之奇詭與人之賢不肖壽夭貴賤參差不齊者
哉是固無情不足窮也然有可恨者人或權褒貶黜陟
為天子求士者皆學於聖人之道皆又以仁義為的皆
曰我知人我知人披辭窺貌逐其聲而覈其所蹈者以

升而降其所升常蒙瞽

童云音霧又莫候切目不明

禍賊僻邪罔人

以自利者其所降率恒多清明冲淳不為害者彼非無情物也非不欲得其升降也然猶反戾若此逾千百年乃一二人幸不出於此者徵之猶無以為告今子不是病而木膚之問為物者有無之疑子胡橫訊過詰擾擾焉如此哉

羆說

鹿畏羆

勑俱切

羆畏虎虎畏羆羆之狀被髮人立絕有力

而甚害人焉楚之南有獵者能吹竹為百獸之音昔云
持弓矢罌火而即之山為鹿鳴以感其類伺其至發火
而射之羆聞其鹿也趨而至其人恐因為虎而駭之羆
走而虎至愈恐則又為羆虎亦亡去羆聞而求其類至
則人也猝搏挽裂而食之猝昨
沒切今夫不善內而恃外者
未有不為羆之食也

觀八駿圖說

古之書有記周穆王馳八駿升崑崙之墟者後之好事

者為之圖宋齊以下

一作來

傳之觀其狀甚怪咸若騫若

翔若龍鳳麒麟若螳螂然其書尤不經世多有然不足

采世聞其駿也因以異形求之則其言聖人者亦類是

矣故傳伏犧曰牛首女媧曰其形類蛇

並出帝王世紀

孔子如

俱頭

俱音欺方相也出荀子非相篇

若是者甚衆孟子曰何以異於人

哉堯舜與人同耳今夫馬者駕而乘之或一里而汗或

十里而汗或千百里而不汗者視之毛物尾鬣四足而

蹄齧草飲水一也

說下沒切

推是而至於駿亦類也今夫人

有不足為負販者有不足為吏者有不足為士大夫者
有足為者視之圓首橫目食穀而飽肉締而清裘而燠
一也推進而至於聖亦類也然則伏犧氏女媧氏孔子

氏是亦人而已矣驂騑白義山子之類

義一作蟻列子云周穆王駕八

駿之乘右服驂騑而左騂耳右騂赤驥而左白義次車之乘右服渠黃而左踰輪左騂盜驪而右山子若

果有之是亦馬而已矣又烏得為牛為蛟為俱頭為龍
鳳麒麟螳螂然也哉然而世之慕駿者不求之馬而必
是圖之似故終不能有得於駿也慕聖人者不求之人

而必若牛若蛇若俱頭之間

一作問

故終不能有得於聖

人也誠使天下有是圖者舉而焚之則駿馬與聖人出
矣

柳河東集注卷十六